

Broj: 13-11-4-7736/23**Sarajevo, 17.04.2024. godine**

Na osnovu člana 69. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga u postupcima nabavke čija procijenjena vrijednost prelazi 250.000 KM, Općinski načelnik donosi

ODLUKU o otkazivanju postupka javne nabavke

I

Otkazuje se postupak javne nabavke radova „Nužne popravke na objektima kolektivnog stanovanja“, iz utvrđenih razloga koji su izvan kontrole Ugovornog organa, a koji se nisu mogli predvidjeti u vrijeme pokretanja predmetne javne nabavke.

II

Za izvršenje ove Odluke zadužuje se Služba za zajedničke poslove.

III

Stavlja se van snage Odluka o izboru najpovoljnijeg ponuđača broj: 13-11-4-7736/23 od 07.12.2023. godine.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-7736/23 od 10.10.2023. godine.

Procijenjena vrijednost javne nabavke sa PDV-om je: 500.000,00 KM (slovima: petstotinahiljada i 00/100 konvertibilnihmaraka).

Obavještenje o javnoj nabavci broj: 935-1-3-214-3-271/23 od 02.11.2023. godine u 11:54 sati poslano je na objavu na Portal javnih nabavki.

Komisija za javne nabavke roba, radova i usluga u postupcima nabavke čija procijenjena vrijednost prelazi 250.000 KM je imenovana Rješenjem Općinskog načelnika o imenovanju Komisije za javne nabavke roba, radova i usluga u postupcima nabavke čija procijenjena vrijednost prelazi 250.000 KM broj: 01-30-5-8226/23 od 17.10.2023. godine.

U predmetnom postupku utvrđeno je da je Komisija za javne nabavke roba, radova i usluga u postupcima nabavke čija procijenjena vrijednost prelazi 250.000 KM, blagovremeno i pravilno izvršila otvaranje ponuda i ocjenu jedine prispjele ponude, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 22.11.2023. godine, pristigla ponuda slijedećeg ponuđača:

| Redni broj | Naziv i sjedište ponuđača | Ukupna ponudena cijena sa PDV-om | Ponudeni popust |
|------------|---------------------------|----------------------------------|-----------------|
| 1. | GALBOLS d.o.o. Sarajevo | 499.979,34 KM | 0% |

Iz Zapisnika o pregledu i ocjeni ponuda Komisije za javne nabavke roba, radova i usluga u postupcima nabavke čija procijenjena vrijednost prelazi 250.000 KM je vidljivo da je Komisija za javne nabavke roba, radova i usluga u postupcima nabavke čija procijenjena vrijednost prelazi 250.000 KM izvršila pregled i ocjenu jedine prispjele ponude, te je konstatovala da je ponuda ponuđača GALBOLS d.o.o. Sarajevo je prihvatljiva jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija za javne nabavke roba, radova i usluga u postupcima nabavke čija procijenjena vrijednost prelazi 250.000 KM je izvršila analizu cijene ponude ponuđača GALBOLS d.o.o. Sarajevo, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču GALBOLS d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

U skladu sa navedenim Komisija za javnu nabavku roba, radova i usluga u postupcima nabavke čija procijenjena vrijednost prelazi 250.000 KM predložila je Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, čija ponuda je ocijenjena kao najpovoljnija, na osnovu najniža cijena, u ukupnom iznosu ponude od 499.979,34 KM (slovima: četiristotinedevadesetdevethiljadadevetstotinasedamdesetdevet i 34/100 konvertibilnihmaraka) sa uračunatim PDV-om, te da se ponuđaču GALBOLS d.o.o. Sarajevo dodijeli Okvirni sporazum.

Nakon donošenja Odluke o izboru najpovoljnijeg ponuđača broj: 13-11-4-7736/23 od 07.12.2023. godine, te pravosnažnosti iste, Služba za zajedničke poslove je dostavila Službi za komunalne i stambene poslove i saobraćaj dokumentaciju kako bi se pristupilo zaključivanju Okvirnog sporazuma sa odabranim ponuđačem.

Dana 05.04.2024. godine Komisija za javnu nabavku roba, radova i usluga u postupcima nabavke čija procijenjena vrijednost prelazi 250.000 KM je zaprimila zahtjev za otkazivanje javne nabavke: „Nužne popravke na objektima kolektivnog stanovanja“, od strane Službe za komunalne i stambene poslove i saobraćaj.

U navedenom zahtjevu se navodi da je nacrtom Okvirnog sporazuma predviđeno potpisivanja tripartitog ugovora između Općine Novo Sarajevo, upravitelja predmetnih objekata na kojima će se izvoditi radovi nužnih popravki i izvođača radova, te da je istim Okvirnim sporazumom predviđeno da će Općina Novo Sarajevo sufinansirati iznos od 87,15% od ukupne vrijednosti radova sa PDV-om, a upravitelji objekata koji su predmetom nužnih popravki 12,85% od ukupne vrijednosti radova sa PDV-om.

Upravitelj „Sarajevostan“ d.o.o. Sarajevo, kao jedan od upravitelja koji je nacrtom Okvirnog sporazuma planiran kao potpisnik Okvirnog sporazuma, se u više navrata nije odazvao potpisivanju Okvirnog sporazuma.

Do dana isteka ponude svi ostali upravitelji su se uredno odazvali pozivu te potpisali Okvirni sporazum osim upravitelja „Sarajevostan“ d.o.o. Sarajevo, te je Općina od ponuđača „GALBOLS“ d.o.o. Sarajevo zatražila produženje važenja ponude za 30 dana, a sve u cilju poduzimanja dodatnih napora kako bi se predmetni Okvirni sporazum u konačnici potpisao.

Dana 23.02.2024. godine, putem službenog emaila, „GALBOLS“ d.o.o. Sarajevo je dostavilo saglasnost za produženje ponude, te je važenje iste produženo do 24.03.2024. godine.

Do dana isteka važenja ponude ponuđača „GALBOLS“ d.o.o. Sarajevo, upravitelj „Sarajevostan“ d.o.o. Sarajevo se nije odazvao potpisivanju Okvirnog sporazuma, te je Služba za komunalne i stambene poslove i saobraćaj uputila zahtjev Komisiji za javnu nabavku roba, radova i usluga u postupcima nabavke čija procijenjena vrijednost prelazi 250.000 KM za otkazivanje javne nabavke u skladu sa



odredbama člana 69. Stav (3) Zakona o javnim nabavkama BiH ("Sl.glasnik BiH", br. 39/14 i 59/22), jer su nastupile okolnosti koje su van kontrole ugovornog organa i koje se nisu mogle predvidjeti u vrijeme pokretanja postupka javne nabavke.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Hasan Tanović



DOSTAVLJENO:

1. GALBOLS d.o.o. Sarajevo
2. a/a

